

PLOANIA SAN MARTIN

I proscimi dis gnarál partí fora a vigni familia/ciasa na coperta cun zetoles por fá la PRELITA dl Consèi de Cöra. Vigni porsona che ará complí 16 agn cina ai 24 d'otober pó lité. Les zetoles scrites fora pó gní dades jö te dlíjia ai 28 y ai 29 d'agost y ai 4 y 5 de setëmbër, y ince ia por l'edema danterite. Dötes y düc é dër bel invia da lité y da fá para. Dër bel dilan.

PLOANIA LUNGIARÜ

Do ch'an messü sposté n per de iadi la mëssa dles families por gauja dl bur tēmp, oress la Uniun di Èi y dles Ères invié da tó pert ala mëssa dles families en domënia, ai 29 d'agost, dales 11,15, tla capela de Sant Ojöp sö Seres. Do mëssa é düc/dötes inviades da gní ite a Muntcörta a sté adöm en compagnia. La marëna dess düc/dötes se tó do te rucsoch.

La Ciasa de Palsa recorda che por jí a ciafé les medes y i berbesco messon inant se prenoté por telefon 0474 524767 y al ó ester le green pass o n test negatif nia plü vedl co 48 ores. Les vijites é poscibles de lönesc, dedemesaledema, vëndres y domënia, tres dales 9.30 ales 11.30 y/o dales 14.00 ales 17.00.

La Ciasa de Palsa á daurí danü la bandida por n/na direttur/ia. Por tó pert ala seleziun ciarede www.ciasadepalsa.it. La domanda é sëgn da dé jö ti ofizi dla Ciasa de Palsa cina ai 03 de setëmbër 2021 dales 12.00. Info: 0474 524783.

Ciasa de Palsa: al é gnü scrit fora n concurs publich tres mobilité danter aministraziuns publiches por curí 6 (sis) posc de rode da infermier/a profesional/a (profil profesional n. 64) - La domanda é da presenté cina ai 10 de setëmbër dales 12.00 - Ciarede do plü avisa www.ciasadepalsa.it.

La Spona a Pidrô chir da setëmbër/otober 2021 inant n/a operadú/ëssa sozio-assistenzial/a o soziosanitar/a. Info 0471 843060 dales 10.00 -12.00

Jöbia, 26 d'agost, dales 21.00: concert dla Musiga da San Martin söl paiun a San Martin. Azes ma cun "gree npass". Da bur tēmp vëgnel desdit.

Vëndres, 27 d'agost, dales 21.00: SMACH Film Club tla Val dl' Ert cun le film "Lontano da qui". Da bur tēmp vëgn la manifestaziun desdita.



Plata dles Ploanies San Martin y Lungiarü

ploan Klaus Sottas 344 15 54 055 - klsottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



www.valbadiaonline.it/comunite

22.08. - 29.08.21 nr. 39

21^a DOMÈNIA IA POR L'ANN B

Vangele do Jan 6,60-69

Te chël tēmp n'ël tröc di discepu de Gejù che ti ascutâ pro, che dijô:
Chëstes é parores döres. Chê é pa bugn da les capî? Gejù conesciô che sü discepu groforâ porsura, y i à damanè: Se scandalisëise por chësc?
Les parores ch'i ves à dit é spirit y vita. Mo al n'é danter os n valgügn che ne crëi nia. Gejù savô pordërt bele dal scomenciamënt, chë ch'al ê che ne cherdô nia, y chë che l'ess imbanì. Y al à dit: Porchël ves ài dit a os:
Degügn ne sciafia da gnì da mè, sc'al ne ti é nia dè dal Pere. Sön chëra s'à tröc discepu retrat y ne jô nia plü incërch cun ël.

Dailò à Gejù damanè i dodesc:

Orëise ince os s'un jì?

Scimun Pire ti à respognü:

Signur, da chë desson pa jì?

Tö as parores de vita eterna.

Y nos cherdun y conesciun:

Tö es le Sant de Dî.



Gejù ürta pro na pert de sü ascutadus sön incomprejñun y antipatia.

"Chëstes parores é döres", diji.

Y al ti spliga "Les parores ch'i ves à dit é spirit y vita." Mo ai ne le vëiga nia ite.

Y le vangelist cunta che tröc discepu s'à retrat da Gejù y ne jô nia plü cun ël.

A Gejù ne ti é chësc dessigü nia anfat y al ará sinti delujiun y arbandonn.

Porchël ál debojëgn dl consëns y dl sostëgn de sü discepu

y al damana chi püc che é restá cun ël: "Orëise ince os s'un jì?"

Pire respogn cun de gran parores: "Signur, da chë desson pa jì?

Tö as parores de vita eterna." Ince sce Pire n'é plü tert, canch'al s'odô al prigo, nia plü tan sigü y tan frëm, mo te chësc momënt la minâl dessigü söl sciode.

I oress conësce tres deplü chësc Gejù che me damana cun amur y preocupaziun y ince iö ti dé mia risposta cun amur y cun dötes mies deblëzes. (da Image)

EDEMA	SAN MARTIN	LUNGIARÜ	 En chëst'edema recordunse n valgügn sanc bindebó conesciüs; i periun che so ejëmpl y süa interzesciun nes dëides söl tru de nosta vita: 1. Por düc tü sanc, oh Dî, dilan dijunse y te laldun dadalt por tüa bunté. Te ëi tüa opra amiré podunse, i früc che tüa parora á porté. 2. Ai á aldí la usc de tüa cherdada y prô te dôt da fá tüa orenté y ciafa dal perié contënc la forza por le sorvisc tla vita da gnidé. 3. Ai vá danfora por le tru dla vita fedei tla lôm de to comandamënt, persecuziuns apëna i archîta, incuntra a to rëgn ch'ai á imënt. 4. Beac i debli, maltratá y püri che n'é nia bugn da fá varëi so dërt, che prô da vijiné, en pesc da vire y tl'intenziun mantëgn so cör bel nët. 5. Beâc i bugn che ne conësc violënza, saurisc y arjigné da pordené y chi che sot al pëis de gran tristëza a te s'á rassegné te so pené. 5. A chisc che é daverc a tüa noéla, ti oste surandé le rëgn dl cil, y n'á le cör taché ai bëgns dla tera; chisc é tü fis che pó t'odëi, oh Dî. (tg)
22.08.21 21^a DOMËNIA - ann B	9.00 Corona 9.30 Gran Mëssa por la comunité cun benedisciun dl tëmp por les porsones te de gran dificultés	7.55 Corona por + Gino Liotto 8.15 Gran Mëssa por la comunité cun benedisciun dl tëmp 15.00 Corona tla capela de S. Ojöp Fr.	
23.08.21 Lönesc Rosa da Lima, Richild			
24.08.21 Dedolönesc San Berto, apostul, Isolde	Aniversar consacraziun dlijia Picolin 19.00 Mëssa a Picolin en onú de S. Berto de ringraziamënt fam. Ludwig y Herta Rungger + Giovanni Videsott (dl ann)		
25.08.21 Dedemesaledema Senese, Ludwig, Patrizia		7.30 Mëssa 2 ^a de sopoltöra de Gino Liotto + Maria Castlunger + + Mariangel y Iudita Clara, Ties	
26.08.21 Jöbia Gregöre, Alexander	7.30 Mëssa + Edi Pizzinini, Al Plan + Sepl Flöss, d'Arzó Corona por Vocaziuns		
27.08.21 Vëndres Monica, Gebhard	18.30 Adoraziun chîta 19.00 Adoraziun deboriada	7.30 Mëssa + Roslinda Deiaco por les Püres Animes	
28.08.21 Sabeda Agostin, Elmar, Linda	20.00 Mëssa prefestia + Monica Vittur Tolpeit (dl ann) + + Monica y Nane Zingerle	18.30 Mëssa prefestia 3 ^a de sopoltöra de Gino Liotto defunc d'Alní defunc de Balzé	
29.08.21 22^a DOMËNIA - ann B	9.00 Corona 9.30 Gran Mëssa por la comunité cun benedisciun dl tëmp en onur de S. Ojöp Laurant por na buna mort por vis y def. fam. Antonia Dasser, Alfur	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de S. Ojöp Fr.	